

王文簡公文集

王文簡公文集卷二

上虞 羅 振玉 校錄

授左庶子謝

恩摺

嘉慶十三年閏五月

奏爲恭謝

天恩事閏五月初八日

臣

於開封府考棚內恭

閱邸鈔奉

旨王引之著轉補左春坊左庶子欽此竊

臣學

慙謝陋世受

國恩始以臚唱三人望

鑾坡而拜

命繼

乃

擢升五品依

講幄以覲

光清銜則鶴籙叨陪簡

命則星輶再出筆珥

彤廷許備員於記注文衡鎖院詔

典學於荆河沐

高厚以無涯惕涓埃之未報乃清班忝列

既自翰以入詹

巽命榮膺又由右而躋左受自

天之雨

露常輸葵藿之忱矢報

國之文章益切冰淵之懷

臣

惟有

盡心銜校勵志編摩以期仰答

鴻慈於萬一所有

臣

感激

下忱理合繕摺恭謝

天恩伏乞

皇上睿鑒謹

奏

授翰林院侍講學士謝

恩摺

嘉慶十三年十二月

奏爲恭謝

天恩仰祈

聖鑒事本月二十八日恭閱邸鈔

奉

旨王引之補授翰林院侍講學士欽此竊

臣世受

國

恩學慚時術

金門射策仰膺

特達之知

玉殿簪毫猥

列清華之選

給札倖邀

宸賞頓躡升階尋章忝附經生

頻依

講幄叨冰銜於鶴籞

輦路以鳬趨星輶拜

命

掄材黔楚之邦鎖院承

恩典學荆河之域荷

生成於

覆載未報稱於涓埃茲復

寵錫

綸音

擢遷學士晉詞

垣而侍從厠藝苑以講求蓮炬分輝沐

栽培之無已花磚

候影愧著作之未嫻屢霑

雨露之恩益切冰淵之懍

臣惟

有勵志編摩盡心衡校勤搜鵠立之三千才期茅簣冀報

鴻慈于萬一誠効葵傾所有微臣感激下忱理合繕摺叩謝

天恩伏乞 皇上睿鑒謹 奏

授翰林院侍讀學士謝 恩摺

嘉慶十四年

奏爲恭謝 天恩事十二月初一日恭閱邸鈔奉 旨王引

之着轉補翰林院侍讀學士欽此竊臣世受 國恩學慚時

術 金門射策仰邀 特達之知 玉殿簪毫猥列清華之

選躡升階而不次 講幄常依荷 異命之重申文衡屢執

受 恩施於 高厚未報稱於涓埃茲復仰沐 溫綸轉補

今職侍 西清以珥筆讀 東觀之藏書花磚偕步望學海

而窺源玉尺分持對士林而講藝 恩頻霑於 雨露志益

凜夫冰淵臣惟有加意編摩悉心校閱勤搜鵠立之三千材

期茅彙冀答 鴻慈於萬一誠効葵傾所有微臣感激下忱理

合繕摺恭謝 天恩伏乞 皇上睿鑒謹 奏

賜御製學政箴謝 恩摺

嘉慶二十年五月

奏爲恭謝 天恩仰祈 聖鑒事竊 臣於試竣旋省欽奉

御製學政箴臣謹叩頭祇領製匾懸掛訖仰惟 聖心樂育

睿藻輝煌廣 教思於無窮化隆 申命範儒風以至正

誨切丁寧是訓是行 勵學臣以遵守可久可大 啓多

士而率由亘江河日月以常昭詠棫樸菁莪而廣被臣忝司

學政慚表帥之多疎仰誦 天章幸持循之有要惟有恪遵

訓迪勉竭駑駘明正道以育才黜浮華而崇實源探泮水

思造士以詩書地近尼山冀追風於鄒魯勤搜鵠立之三千

材期茅彙庶答 鴻慈於萬一誠效葵傾所有臣感激下忱

理合繕摺恭謝 天恩伏乞 皇上睿鑒謹 奏

升授都察院左副都御史謝 恩摺

奏爲恭謝 天恩事嘉慶二十一年十二月 日內閣奉

上諭都察院左副都御史著王引之補授欽此竊_臣世受

鴻恩質慚駑鈍 金門射策仰蒙 特達之知 朶殿簪

豪猥列清華之選給札幸邀 宸賞亟躡陞階尋章忝附經

生榮依 講幄始叨陪於冰署繼襄贊於銀臺五馭攸司典

蒲梢而考牧三章共凜入棘寺而明刑銜 巽命以掄才星

輶再出執文衡而視學鎖院頻扁蟻術多疎 龍光屢錫

恩每霑夫 雨露報未效於涓埃茲復仰荷 溫綸擢遷今

職掌事繼六卿之後頭銜居三品之先柏臺佐績幸叨驄馬

之榮 楓陛承 恩竊慕羔羊之節_臣惟有勉持風憲益勵

冰兢以冀仰答 高厚鴻慈於萬一耳謹 奏

署刑部左侍郎謝 恩摺

道光二年八月

奏爲恭謝 天恩事本月初六日內閣奉 上諭韓文綺現

在入闈刑部左侍郎著王引之署理欽此竊_臣江淮下士世

受 國恩由一甲進士授職編修洊升卿貳屢邀 渥澤亟

沐 殊恩拜 命而載驟星輶荷 寵而許依 講幄進頭

銜而官階倖轉嚴手校而 館職頻叨屢逢 雨露之優沾

方愧涓埃之未報乃復仰荷 溫綸署理今職伏以秋官贊

弼教之權刑典體 好生之德夙陪銓部本讀律之未嫻暫

攝雲司庶推 恩於惟恤_臣惟有益矢勤慎時切講求以冀

仰答 鴻慈於萬一所有_{微臣}感激下忱理合繕摺恭謝 天

恩伏乞 皇上聖鑒謹 奏

授禮部左侍郎謝 恩摺

奏爲恭謝 天恩事嘉慶二十二年四月十九日准兼署閩
浙總督福建巡撫王紹蘭咨稱轉准吏部咨三月二十八日
奉 上諭禮部左侍郎員缺著王引之補授等因欽此臣謹
恭設香案望 闕叩頭訖伏念臣江南下士世受 國恩倖
列詞垣洊登臺省方以涓埃之未効正深悚惕以難安迺荷
恩綸晉躋崇秩維春官專任典禮之司貳卿實佐秩宗之
掌自顧駑駘之下質獲綴鵷鷺之左行逾分叨榮捫心增懼
臣惟有竭誠盡愼勉供職以冀仰報 高厚鴻慈於萬一
所有微臣感激悚惶下忱理合繕摺恭謝 天恩伏乞 皇上
睿鑒謹 奏

署戶部左侍郎謝 恩摺

奏爲恭謝 天恩事本月二十八日內閣奉 上諭戶部左

侍郎著李宗昉調補仍留江西學政之任其未來京以前著
王引之兼署欽此竊臣賦材窳鈍涉事麤疎幸由甲科洊列
卿貳久沐 先皇之誨育化佐三銓復蒙 聖主之寵榮衡
襄四載叢夙宵以增疚旅進退以懷慚茲聞 綸綍之宣俾
攝度支之任伏念農部重稱邦本左貳協考歲成苟非幹濟
之才難勝劇繁之職況臣寸長莫錄能愧一官何堪 異數
頻叨乏承兩部既匪車輕而路孰尤虞綆短而汲深感浹肌
膚惕滋肺腑臣惟有藉勤補拙矢慎由衷期稍副夫 恩施
不敢諉爲暫理心如弱艸拜 雨露之生春報少微埃望
雲霄而勵志謹 奏

授工部尙書謝 恩摺

奏爲恭謝 天恩事本月日內閣奉 上諭工部尙書著王

引之補授欽此竊臣世受鴻恩學慚蟻術素抱庸愚之質

仰邀特達之知始奉職於詞垣遂洊躋於卿貳文衡忝預

則自秋以及春銓政叨陪又由右而轉左沐殊恩之疊沛

顧報稱而多疎樗櫟懷慚冰淵屢惕乃復渥荷溫綸擢升

今職伏惟事典分臯民之任冬官相掌土之宜位參六職敢

云襄贊之無違務綜四司深慮勾稽之鮮當臣惟有力矢勤

慎勉策駑駘咨於故實率屬而勵靖共欽乃攸司竭誠而將

密勿以庶幾仰答高厚鴻慈於萬一耳謹奏

署戶部尙書謝恩摺

奏爲恭謝天恩事道光八年八月十六日內閣奉 上諭

王鼎現在入闡戶部尙書著王引之署理欽此竊臣質本輕

材恩叨重寄自躋卿貳洊歷冬官庀事飭材方懼職司之

難稱捫心揣分尤虞 高厚之未酬乃荷 溫綸俾兼農部
渥蒙 寵眷倍切悚惶伏念戶部爲錢糧總匯財賦要區合
萬國之版圖民生所繫聚三司之出納 國用攸關臣惟有
矢慎矢勤勿疎勿怠掌度支而必謹期府事之孔修斷不敢
以暫時署理稍事因循用答 鴻慈於萬一謹 奏

賜朝馬謝 恩摺

奏爲恭謝 天恩事本月日內閣奉 上諭王引之著在紫
禁城內騎馬欽此竊臣質本凡庸才尤譾陋荷 聖明之簡
擢趨 禁籞以回翔駑鈍懷慚每騰驤而思奮馳驅自矢僅
趨走以隨行凜舉策於平時恩叨雨露勵飭材於此日報乏
涓埃乃蒙 寵命之優加復荷 殊恩於代步趨 朝黽勉
許蹠躓乎華駟執轡從容度森嚴之 紫禁前宵待漏喜聽

鳴鸞今日凌晨榮邀附驥誦且閑之句願偕鳳翽以雛啗謹
無斃之思冀答 鴻慈之高厚謹 奏

實錄告成謝 恩摺

奏爲恭謝 天恩事本月二十日內閣奉 上諭侍郎王引

之長子候補主事王壽昌著加恩遇缺卽補欽此竊 臣 質本

樗庸學慚柱史蒙 天恩之簡畀襄事 禁垣欽 帝典之

高深獲窺 冊府紀 聖德 神功之盛敬仰 鴻猷瞻

金匱石室之藏愧同蠡測方涓埃之未效正悚惕之彌深恭

逢全帙告成迺荷 溫綸特沛前此叨 恩任子已 雨露

之優霑今茲越次補官更 生成之疊被鏤心靡極泥首滋

虔奕禩垂庥衍萬億京垓而聿欽 繼述全家戴 德合祖

孫父子而共沐 栽培 臣 惟有勉勗 盡心職守力矢慎

勤以冀仰報 高厚洪慈於萬一耳謹 奏

恭辦 萬年吉地議敘謝 恩摺

奏爲恭謝 天恩事本月初四日內閣奉 上諭候選直隸

州知州王彥和著以直隸州知州遇缺卽選欽此竊 臣世受

國恩至優極渥 臣子王彥和投効 萬年吉地本應竭力辦

公不辭勞瘁駑駘策勵祇職分所當爲晨夕勾稽尙涓埃之

未報乃蒙逾格 天恩俯加甄敘 念微勞而必錄立沛

榮施體候缺之無時從優卽選沐 溫綸之寵錫實夢寐所

難期 臣惟有勉勛 臣子王彥和矢勤矢慎潔已奉公思民社之

初膺無忘兢惕勵猷爲而罔懈勉副 栽培以庶幾仰荅

高厚洪慈於萬一耳謹 奏

奏報考試情形摺

光緒二十年四月

奏爲恭報歲考已竣接辦科考仰祈 聖鑒事竊 自正月二十七日出省至四月十四日試過曹州兗州二府及濟寧直隸州歲考已竣隨即赴沂州府辦理科考事宜 臣於上年十一月恭報考試情形仰奉 硃批實心整飭士習如有包攬詞訟者嚴辦毋縱欽此仰見 皇上加恩訓勉之至意 臣向聞山東控案最多恐有生監居中指使自上年抵任後卽嚴禁生監包訟示以代作詞狀陰爲訟師者按律加等治罪復於冬間申明前示并准受害者將包訟之生監指名首告又札飭各學教官密訪訟師詳革嚴究所有受賄和訟之東平州生員陳賡西代作呈狀之臨清州生員馬詠濬陽穀縣生員王人傑樂安縣監生王法祖均斥革嚴辦在案其被控包訟者無論虛實皆發交該地方官嚴訊俾生監等有所警

惕不敢效尤每到各府州入學講書諸生齊集

臣謹勸以重

義輕利毋貪非義之財而作害人之事倘有包訟者一經訪聞定不寬宥諸生聽受之餘倍加警凜嗣後

臣

仍當隨時教

戒密行訪察以期仰副

皇上清理訟源化民成俗之至意

臣

又聞曹州一帶民間曾習邪教風氣稍爲駁雜因於按試

曹州時恭詣明倫堂敬謹宣講

聖諭

廣訓黜異端以崇

正學一道面飭生員等潛心紬繹并令告曉居民示以利害使皆改過遷善滌慮洗心庶舊染悉除而淳風可復諸生仰承

教澤無不歡欣感奮樂於奉行至

臣

現在所考二府一

直隸州唯濟寧州本州金鄉縣及曹州府之單縣兗州府之滕縣文藝較優惜法脉尙疎根柢未厚

臣

謹擇其書理脗合

卷軸富有者拔置一等童生字句明順者錄取充附其詩律

不調字體訛錯者皆於發落時詳爲指示其場中弊竇除出示嚴禁外仍用去年所行五童互結之法於點名時嚴查冒替招覆後細對連三卷筆跡考試之日親率教職逐號稽查於小講下印用圖章以防越號倩代等候傳遞之弊生童等皆知畏懼舞弊者鮮以後各府州試事臣唯有倍加勉勵矢勤矢慎以期仰答 洪慈於萬一所有臣歲考事竣接辦科考之處理合繕摺奏 聞伏乞 皇上睿鑒 訓示謹 奏進呈論說摺

奏爲遵 旨恭撰論說進呈 御覽仰祈 訓示事臣於十一月 日在臨清考棚內恭閱邸鈔奉 上諭治民之道不外教養二端六禮節性八政防淫古者道人木鐸宣諭化導使人易知易從意至善也直省生齒日繁民愚易惑近日傳

習邪教匪徒如白陽紅陽大乘無爲以及天主教各種名目輾轉煽誘羅法者衆朕甚憫之地方有司日役于簿書錢穀而于化民成俗之原恕焉不講甚非所以佐朕致治之意也因思各省學政皆慎簡儒臣畀以教化之責且按試州郡遠邇必週于該省風土人情無難察訪周知奸民倡爲邪說顛蒙從而習之或誘于財利或溺于淫邪均各有受弊之由着該學政各就按試之地察其民人所易惑者作爲論說剴切化導其詞無取深奧但爲辨其是非喻以利害明白淺近使農夫販豎皆可聞而動心發交各州縣官刊刻刷印于城市鄉村廣爲張貼務俾家喻戶曉知所從違至士爲四民之首該學政于接見士子之時尤當諄切訓誨使以孝悌忠信禮義廉恥倡率鄉閭身以先之言以喻之由寡以及衆由親以

及疏蚩蚩者氓耳濡目染有所觀感而興將日用飲食羣聚徧德久之遷善遠惡翕然成風斯邪說不足以誘之矣該學政等所作論說遇有奏事之便各錄稿進呈朕將親覽焉欽此仰見 皇上加恩任使易俗移風之至意竊 臣自上年蒙恩簡放山東學政抵任後卽訪問該省民風大約登萊青三府民間向無習教之人兗州之滕縣嶧縣沂州之費縣蘭山縣雖有拽刀手止於好勇鬪狠尙與邪教不同其餘各府州若武定濟南臨清東昌屬縣與直隸接壤者不無信從邪教之處而唯曹州府屬與直隸河南接壤習教者較多濟甯屬縣與曹州接壤亦間有沾染習氣者總由愚民無知平日不講孝弟忠信禮義廉恥之節所以聽信邪人甘心陷溺如伊等曉然於是非利害則改過遷善不難誠如 聖諭云各

有受蔽之由也士子乃齊民之表率非令各處生員身教言
喻不能使之觀感而興起誠如 聖諭云耳濡目染遷善遠
惡斯邪說不足以誘之矣臣伏查上年邪匪滋事之時山東
愚民多受其裹脅唯各學廩增附生鮮有被惑者蓋諸生仰
荷 皇上教育栽培至優極渥讀書明理知所向方故能謹
守正業不入邪途臣於今年按試曹州時卽齊集諸生恭讀
聖諭廣訓黜異端以崇正學一道飭令轉告愚民剴切曉
示諸生皆歡欣鼓舞樂於奉行伏思此次恭撰論說刊布民
間仍應責成該生員等遍行宣示雖民間有不識字之人而
經該生員等口講大義自當聞而感悟嗣後臣按試所到之
地仍當力勸諸生躬行孝弟忠信禮義廉恥以爲民先並飭
令曉諭同里之人棄邪歸正以期仰副 皇上教思无窮容

保无疆之至意所有臣恭撰論說除發交該州縣刊刻曉示
外理合敬謹繕寫由報考之便遵 旨進呈 御覽伏乞

皇上睿鑒 訓示施行謹 奏

奏請扣廉完繳永定河分賠銀兩摺

嘉慶十九年五月

奏爲分賠未完永定河漫工銀兩仰懇 聖恩 俯准扣廉
完繳以清 帑項恭摺奏 聞事查嘉慶十五年永定河漫
工報部請銷銀十四萬六千二百一兩零經部核減銀一百
二十三兩零實准銀十四萬六千七十八兩零督道廳汎照
例分賠其應賠四成銀五萬八千四百三十一兩零內臣父
原任永定河道王念孫應賠三成銀一萬七千五百二十九
兩零應遵定例於五年限內完繳除已完銀三千五百二十
九兩零實未完銀一萬四千兩今臣蒙 皇上 天恩簡放

山東學政養廉優厚所有應繳賠項不敢以尙未屆限稍爲懸宕理合恭懇 聖恩俯准將 臣 每年應支養廉四千兩扣半完繳由山東藩司造報其餘二千兩留爲辦公之需此外未完之項 臣 再竭力設措隨時陸續完繳爲此恭摺奏 聞 伏乞 皇上訓示謹 奏

各部院題缺主事請仍舊揀選摺

奏爲各部院題缺主事請仍照舊揀選以符名實以勵人才事伏查京外各官補缺皆有題選之分題缺以勵人才選缺以敘資格二者立法判然不同各部院郎中員外主事均有題缺卽均應揀選人才以符定制自乾隆九年於六部事繁司分酌定郎中員外主事題缺均係揀選補授歷久遵行至五十九年吏部修例私將漢官題缺主事舊例更改定爲題

選各缺一體統較行走先後補用既未奏明請旨亦未將更改之故於進呈冊內詳悉聲明轉將統較行走先後之語捏稱原例本文以掩其私改之迹至今三十年莫能更正嘉慶十二年修例又誤照乾隆五十九年私改之例將滿員題缺主事亦論奏留先後補用伏思題缺主事與題缺郎中員外均爲獎勵人才而設何以郎中員外照舊揀選而主事則改爲論資補用辦理殊屬兩歧況題缺若較資格則與選缺漫無區別不但於題缺之名不符且使才具平庸之員與辦事明練者優劣不分既非所以勵人才事務殷繁之缺不擇人而補授亦非所以重要缺種種紕繆之處不可殫述又查現行滿官則例各衙門留缺條云郎中員外主事題缺各按缺底令各該堂官揀選題補其爲揀選人才不計資格明

甚而奏留人員補缺條內又添註云額外主事例得題選通補之員遇應題缺出該堂官仍按期滿奏留日期先後補用則是挨補而非揀選矣現行漢官則例揀選門云吏部及各部主事題缺應令該堂官揀選任題其爲揀選人才不計資格明甚而除授門又云各衙門題補主事按其應得題選各缺一體統較行走先後題補則是挨補而非揀選矣前後自相矛盾辦理何所適從應請將滿漢題缺主事按奏留行走先後補用之文刪除仍照舊例揀選遇有應題主事缺出該堂官將業經奏留准補題缺之員揀選正陪引 見補授庶於設立題缺之意名實相符而與郎中員外辦理亦歸畫一矣謹將揀選題缺主事舊例及乾隆五十九年_臣部捏稱原例私改舊章之處恭繕清單進呈 御覽伏乞 皇上聖鑒

訓示謹 奏

遵 旨會議覆奏摺

道光四年 案此摺與廣尚書處會奏

奏爲遵 旨會議具奏事禮部尚書汪廷珍奏題缺主事新

例名實不符請確查更正一摺道光四年二月初十日奉

旨大學士軍機大臣會同吏部覈議具奏欽此

臣

等竊惟官

人之道必以量才稱職爲先我 朝定制於內外職官分設

題缺選缺循名責實題缺所以勵人才選缺所以敘資格二

者判然不同亦復並行不悖意美法良誠當萬世遵守是以

京官自郎中員外內閣侍讀以及寺丞署正等官外官自道

府同知通判州縣以及佐雜等官凡屬題缺悉由該上司秉

公遴選題補從無再論資俸先後之事其理顯然本自無可

疑議溯查乾隆九年 欽定各部郎中員外主事題缺令該

堂官於現任屬員內揀選保題如揀選不得其人仍歸銓選自此以後行之四十年毫無流弊現在吏部銓選滿官漢官則例內俱載明各部郎中員外主事題缺遇有缺出令該堂官揀選題補煌煌成憲至今未敢更易乃於乾隆四十七年御史李翮創有請定額外人員敘補之奏其意專爲捐納議敘人員敘補易於得缺地步而以散館改部人員得缺較優爲詞彼時吏部遽行議准摺內因有按其應得題選各缺一體統較先後挨次題補之語蓋捐納議敘人員例不准補題缺自應各按應得題選之缺以示區別若統較先後挨次題補則應專指選缺而言題缺本無挨次之例不得含混牽入也至李翮摺內所引三十九年舒赫德等原奏則是學習主事奏留後專補本部不歸通選之緣起既改通選而專補

本部自當按照甲第名次吏部議覆孟生蕙條奏係爲報滿後又實計行走日期而言俱未議及題缺一字也迨四十八年吏部清書則例告成忽於除授門內增纂題補主事統較行走先後一條因訛成誤而不顧與揀選門內所載題缺本例大相矛盾其實乾隆九年所定之例乃斟酌盡善之舊章四十八年所增之條乃沿襲訛誤之文非舊章也今以後起訛誤之文謂可仍舊而不改復從前歷久遵行之例揆之事理未爲允協總之題缺不論資格方與國家簡賢使能之意相符舉凡內外大小各項題缺胥歸畫一若以題缺主事獨與選缺同較行走先後是專爲分部人員便於得缺起見而繁簡不分賢愚無別於整飭部務鼓勵人才之道均無裨益至謂恐開奔競之門則各部院堂官於題補郎中員外皆

不慮其奔競獨於題補主事慮其奔競此不待辨而自明若云題補與題陞不同則吏部現行銓選漢官則例載明郎中員外主事題缺遇有缺出令該堂官揀選保題滿洲主事有筆帖式可陞漢主事並無可以題陞之員其所稱揀選保題非指題補而何臣等詳覈前後例案應請如該尙書所奏各部院題缺主事仍照乾隆九年原定章程令該堂官於現任屬員內揀選保題以符舊制如一時所屬內無出色可保之員揀選不得其人就中資俸較深而其才尙可勝題缺之任者仍准其奏明卽以該員題補亦不致大有偏枯如此復還舊章使題選例義分明庶人思自奮賢才不致淹滯而部務亦日有起色矣臣等管見所及不敢隨同附和謹另摺陳奏是否有當伏乞 皇上聖鑒 訓示遵行謹 奏

官員爲生祖母治喪請復舊例摺

道光四年

奏爲官員爲生祖母治喪請復舊例恭摺奏聞事舊例載官員生祖母係屬庶室病故時其父先故別無父同母之伯叔本員於生庶祖母爲長孫者無論嫡祖母是否現在概令治喪一年等語道光元年十月^臣部摺奏內開祖母雖有嫡庶之分而自孫視之其爲祖母則一請援照乾隆六十年滿洲舉人佛尼勒丁祖母憂成案凡官員遇生祖母病故其父先故別無父同母之伯父及伯父之子該員於生祖母爲長孫者如嫡祖母現存仍照舊例令離任治喪一年如嫡祖母已故飭令承重離任丁憂三年等因奉旨依議欽此欽遵在案^臣等伏查孫之於祖父母服止齊衰期年如嫡長孫父故在先遇祖父母之喪則持服三年蓋以承父之重與祖爲

體宗祧大法於是乎在其於祖母從同者一本相承敵體之義也至庶祖母非祖嫡體固不得以承重論矣前經臣部奏請將父故之庶長孫如嫡祖母已故爲生祖母承重丁憂三年係援照乾隆六十年成案爲推廣孝思之意惟是情有所伸禮有所屈卽如次子三子其受父母之恩與長子同若其身先死而父母後歿爲其子者不能代服三年之喪且爲人後者爲所後父母服喪三年爲本生父母止降服一年庶長孫之分原止儕於諸孫生祖母之恩不能加於父母蓋緣情則罔極之恩卽終身持服不足言報制禮則承重之義斷不能加於支庶再查孫於祖母服止齊衰期年現任官員並不開缺舊例官員生祖母病故其父先故別無父同母之伯叔本員於生庶祖母爲長孫者無論嫡祖母是否現在概令治

如限八折者止在目前而踰限濫收者轉無窮期亦安用此
暫而不可久之號令而況乎暫時如限之尙不可必也且其
中之流弊有三州縣濫收已非一日而值明發號令八折收
漕之日則官吏之狡黠者或大其樣盤多其潑灑以足缺少
之數名爲八折而實不止八折又或開倉三五日聊應故事
所收不過十之一二其餘皆定價交錢勒令加倍以補今年
之不足皆難保其必無其弊一也收漕之八折未必謹遵號
令而轉以漕項短少不敷辦公爲辭或藉此以增錢糧之火
耗及鹽當等各項規禮之數皆未可知其弊二也八折收漕
州縣未必□能如限而告示旣頒卽不應少有踰越刁生劣
監則伺其浮收於八折之外以爲控告之資州縣官吏受其
挾制則必於伊等所得漕規加增其數以安□□悍者之心

費用既大則又將取足於收漕於□所收之漕逐日加增而貧民彌受其累矣其弊三也_臣□聞蔣攸銑巡撫江蘇時曾

奏准以八折收漕旋奉 仁宗睿皇帝諭旨停止則其中必

有窒礙難行之處伏乞 皇上再令督撫大員重加酌議若

該督撫果能保其八折之外將來斷不加增則明立限制尙

屬可行若名在八折之中而實出八折之外是所定之數不

足以立濫取之防而適足以啓浮收之路所謂非徒無益而

又害之也_臣伏思有漕州縣浮收於正額之外卽是陋規上

年 皇上因州縣陋規不便准其徵取疊降 諭旨誠爲至

當不易今該督撫又於漕米陋規明立限制則是於陋規之

小者禁之而於陋規之大者轉在所不禁似與上年 諭旨

稍有逕庭且各項陋規不便明立章程者原慮州縣官視爲

應得之項而無所忌顧也而於漕項陋規則又不慮其無所顧忌而爲之明立章程辦理□□兩歧竊以爲宜一體嚴禁以昭畫一愚昧之見是否有當伏乞 皇上聖鑒 訓示謹奏

重刊字典請 旨摺

奏爲請 旨遵行事 臣館奉 旨刊刻康熙字典所有書內

列聖廟諱 皇上御名俱應敬謹改避經總理穆彰阿等

面奉 諭旨著交提調處先將原本校看再行刊刻等因欽

此 臣等謹按敬避字樣應遵節次欽奉 諭旨並 欽定科

場條例敬謹缺筆惟 世宗憲皇帝聖諱向係用字恭代於

本字應缺何筆未有明文伏查雍正年間所刻 欽定詩經

書經傳說彙纂等書遇 廟諱上一字恭缺末筆今擬敬謹

遵照下一字經書未見惟查書經詩經傳說彙纂眞慎瑱寶等字皆缺末點今擬仿照遇 廟諱下一字敬缺末點至眞慎等字科場條例並未言應缺筆查乾隆年間所刻 御纂春秋直解於慎字眞字未經缺點擬遵照無庸缺筆此外字典內一切行款悉仍其舊是否有當恭候 欽定理合恭摺具 奏伏乞 皇上訓示遵行謹 奏

進呈重刊字典摺

奏爲重刊字典完竣輯錄考證一併進 呈仰祈 聖鑒事
道光七年十二月經前任總理 臣 穆彰阿等面奉 諭旨康熙字典著交提調處先將原本校看再行刊刻欽此 等謹將書內 列聖廟諱 皇上御名敬謹缺筆在案嗣於七年八月前任總裁 臣 玉麟等復面奉 諭旨原刻字典內間有

謄字今重加刊刻自應詳查考據更正欽此臣等當卽督同
提調及在館人員敬謹辦理今全部校刊完竣謹分四十冊
彙爲六函恭呈 御覽其應帶往 盛京恭貯本二部照例
辦理至應否陳設及 頒賞若干部之處仍另開單恭候
欽定遵奉施行欽惟 聖祖仁皇帝欽定是書體例精密考
證賅治誠字學之淵藪藝苑之津梁也其引據諸書蒐羅繁
富自經史諸子以及歷代詩人文士之所述莫不旁搜博證
各有依據凡閱五載全書告成惟是卷帙浩繁成書較速纂
輯諸臣迫於期限於引用書籍句間有未及詳校者臣等欽
遵 諭旨細檢原書凡字句譌誤之處皆照原文逐一校訂
共更正二千五百八十八條謹照原書十二集輯爲考證十
二冊分條註明各附案語總彙二函恭繕進 呈伏候 欽

定竊惟此次重刊字典詳校原本修改艸樣覆勘清樣恭閱正本逐條覈對簽檔紛繁辦理倍加慎重謹查例載常開各館有 特交書籍纂辦者書成時如有格外出力之員聽該館_臣酌量保奏各等語此次書成與他館移交刊刻者不同今全書校刊已經四載其間奔走承值收發校對繕錄各微員應擇其勤奮者量予甄敘又道光八年七月恭校 聖訓陳設本一百一十卷完竣彼時奏明將功課存記彙算今擬併計考覈除_臣等總裁併提調官詹事府左春坊左中允王炳瀛翰林院侍讀學士祝慶蕃及總纂纂修協修均不敢仰邀議敘外所有校錄收掌供事及監造董率匠役之筆帖式柏唐阿可否照歷屆議敘之例由_臣等覈計功課分別等第移咨吏部內務府給予優敘以示鼓勵之處出自 皇上逾

格 恩施如蒙 俞允_臣等詳覈功課移咨辦理是否有當
恭候 訓示理合恭摺具奏伏乞 聖鑒謹奏再查_臣館供
事多係自備資斧當差此次重刊字典其在館鈔記簽檔承
值奔走者_臣等未敢悉予保奏惟擇其專司承發格外出力
者謹遵歷屆議敘之例酌量保奏查得議敘間用之先選用
之從九品席丙周鵬展二員前因校刊 聖訓告成奏准先
選在案今又承辦字典始終奮勉實係尤爲出力該二員班
次無可再加合無仰懇 天恩俯准將該供事二員以應選
之巡檢遇有缺出不論雙單月卽予選用以示鼓勵出自
皇上恩施謹 奏

王文簡公文集卷三

上虞 羅 振玉 校錄

闡 訓化愚論

凡人躬逢堯舜之世卽當仰遵堯舜之化生長孔孟之鄉卽當謹守孔孟之教當今乃堯舜之世也皇上厚澤深仁教養兼備牖民覺世 訓諭周詳無非貽百姓以安全納百姓於純正爲百姓者若不改過遷善何以仰承堯舜之化乎山東乃孔孟之鄉也孔子大聖極言異端之害孟子大賢有距邪說之功無非防左道之惑人救愚民之陷溺爲山東百姓者若不棄邪歸正豈不虛生孔孟之鄉乎夫邪教之不可習也有二一曰人所共憤二曰法所必誅何以言人所共憤也盜賊之徒夜聚曉散今邪教之會也亦夜聚曉散則盜賊

之行也禽獸無禮牝牡混淆今邪教之聚也亦男女無別則禽獸之行也人倫由此而敗壞天理自是而消亡甚至結黨橫行謀爲不軌則罪大惡極覆載所不容倘有餘孽竄伏正百姓所當除惡務盡亟欲翦除之者也何以言法所必誅也恭讀 大清律曰一應左道異端之術或隱藏圖像燒香集衆夜聚曉散佯修善事煽惑人民爲首者絞爲從者各杖一百流三千里又新例載凡妄布邪言書寫張貼煽惑人心爲首者斬立決爲從者皆斬監候又辦理白陽白蓮八卦等邪教凡習念荒誕不經咒語拜師傳徒惑衆者爲首照左道異端煽惑人民律擬絞監候爲從發新疆給厄魯特爲奴是邪教惑人法所不宥一經發覺斷難倖逃乃愚民受人哄誘遂至陷於罪而不知以爲可以求福誰知福未受而禍已成以

爲可以謀利誰知利甫得而害亦至甚至結黨滋事悉被誅
除今試問定陶曹縣之教匪有獲倖免者乎 國法昭章難
逃顯戮此山東百姓所共見共聞者自今以後曾經習教者
可不悔過自新乎未經習教者可不率由正路乎至於上年
滋事之要犯奉 旨緝拏尙未伏誅爲山東百姓者若能訪
知要犯潛匿之處縛以出首則可謂尊 君親 上效順急
公不但可以免株連之累抑且可以邀 獎賞之恩矣若夫
士爲四民之首生員身列膠庠讀書明理其沐浴於 堯舜
之化也最深其講求於孔孟之學也最久誠能仰體 聖主
化民成俗之意申明古人黜邪崇正之言爲之剖辯是非指
陳利害勸以毋習不法之經卷毋傳不良之符咒毋從八卦
教之淫邪毋爲一炷香之愚妄毋學金鐘罩之拳棒毋效鐵

布衫之伎倆毋結虎尾鞭之惡黨毋連掖刀手之兇會躬行
孝悌忠信以爲之先講明禮義廉恥以使之化庶鄉里愚民
知正路之不可棄悟邪教之不可從相與遷善改過以遵
聖天子蕩平正直之訓使天下知承堯舜之化者惟山
東爲最醇聞孔孟之風者惟山東爲不愧此則督學使者所
厚望也若夫坐視同里之人陷於邪術而不救是之謂不仁
任邪術之橫行而已亦身受其害是之謂不智國家建立
學校培養英才安用此無用之腐儒耶書曰皇極之敷言是
彝是訓于帝其訓山左諸生尙其凜承訓諭風勸而感化
之哉

見利思害說

古之君子見利思義所以安於正而不入於邪也下此愚昧

之人縱不知義之爲義獨不知利之有害乎見利思義固不易之經也見利思害亦保全之道也卽如邪教之惑人甚矣爲百姓者或甘受其愚而深信之則誤於好利之一心而未嘗思其害也蓋愚民未聞禮義廉恥之節但知銀錢之可以謀衣食而免饑寒也則汲汲圖之而不恤其他彼爲邪說者知愚民之可以利誘也於是借斂錢之說以邀之其入教也則已之錢入於人手其入教而又傳教也則人之錢入於已手展轉傳教則展轉斂錢愚民信以爲生計遂相與從之馴至持經習咒結黨滋事惡極而不可掩罪大而不可解豈非見利忘害以至此哉夫天下之利原不禁人之自謀而合義之利有利而無害不義之利有利而卽有害此不可不辨之於早也今使爲農者耕耘收穫以取其利爲工者備物致用

以取其利爲商者市賤鬻貴以取其利自食其力自養其身非不謀利也而以之爲身則身安以之爲家則家安不聞危亡之禍起於一旦者惟其利之合於義而遠於害也若夫八卦教之淫邪白蓮會之兇惡持避劫之說作斂錢之計此天下不義之利之最大者名爲謀利而實欲驅百姓於敗亡之途陷百姓以誅滅之罪彼夫定陶曹縣之邪教亦嘗斂人之錢暫肥囊橐矣乃不轉瞬而身遭擒戮妻子伏誅昔日所斂之錢今安在乎然則斂錢之舉利一而害十此不辨而自明者人非至愚亦何苦舉身家性命以徇區區之小利乎自今以往爲百姓者誠能見利而卽思其害無害者取之有害者拒之則心不至於陷溺身不入於姦邪雖有習教之徒欲借斂錢之說以相誘吾知爲良民者審於利害必羣起而攻之

惟恐或緩矣若夫奉 旨緝拏之要犯萬一潛逃而來留之
則有窩藏之罪執而獻之則邀 獎賞之恩山左百姓素矢
效忠之忱常切奉公之誼諒不肯使逆亂之徒少延殘喘以
虧大義而受株連之禍此又督學使者所厚望也夫

經義述聞序

引之受性樸昧少從師讀經裁能絕句而不得其解既乃溺
於舉子業旦夕不輟雖有經訓未及搜討也年廿一應順天
鄉試不中式而歸亟求爾雅說文音學五書讀之乃知有所
謂聲音文字詁訓者越四年而復入都以己所見質疑於大
人前大人則喜曰乃今可以傳吾學矣遂語以古韻廿一部
之分合說文諧聲之義例爾雅方言及漢代經師詁訓之本
原大人曰詁訓之指存乎聲音字之聲同聲近者經傳往往

假借學者以聲求義破其假借之字而讀以本字則渙然冰釋如其假借之字而強爲之解則詰籒爲病矣故毛公詩傳多易假借之字而訓以本字已開改讀之先至康成箋詩注禮婁云某讀爲某而假借之例大明後人或病康成破字者不知古字之多假借也大人又曰說經者期於得經意而已前人傳注不皆合於經則擇其合經者從之其皆不合則以己意逆經意而參之他經證以成訓雖別爲之說亦無不可必欲專守一家無少出入則何邵公之墨守見伐於康成者矣故大人之治經也諸說並列則求其是字有假借則改其讀蓋孰於漢學之門戶而不囿於漢學之藩籬者也引之過庭之日謹錄所聞於大人者以爲圭臬日積月累遂成卷帙既又由大人之說觸類推之而見古人之詁訓有後人所未

能發明者亦有必當補正者其字之假借有必當改讀者不揆愚陋輒取一隅之見附於卷中命曰經義述聞以志義方之訓凡所說易書詩周官儀禮大小戴記春秋內外傳公羊穀梁傳爾雅皆依類編次其所未竟歸之續編亦欲當世大才通人糾而正之以祛煩惑云爾

春秋名字解詁

敍曰名字者自昔相承之詁言也白虎通曰聞名卽知其字聞字卽知其名蓋名之與字義相比附故叔重說文屢引古人名字發明古訓莫箸於此觸類而引申之學者之事也夫詁訓之要在聲音不在文字聲之相同相近者義每不甚相遠故名字相沿不必皆其本字其所假借今韻復多異音畫字體以爲說執今音以測義斯於古訓多所未達不明其要

故也今之所說多取古音相近之字以爲解雖今亡其訓猶將罕譬而喻依聲託義焉爰考義類定以五體一曰同訓予字子我常字子恆之屬是也二曰對文沒字子明偃字子犯之屬是也三曰連類括字子容側字子反之屬是也四曰指實丹字子革啓字子間之屬是也五曰辨物鍼字子車鱣字子魚之屬是也因斯五體測以六例一曰通作徒字爲都籍字爲鵠之屬是也二曰辨譌高字爲克狄字爲秋之屬是也三曰合聲徐言爲成然疾言爲旃之屬是也四曰轉語結字子綦達字子姚之屬是也五曰發聲不狃爲狃不畏爲畏之屬是也六曰並稱乙喜字乙張侯字張之屬是也訓詁列在上編名物分爲下卷衆箸者不爲贅設之詞難曉者悉從闕疑之例上稽典文旁及謠俗亦欲以究聲音之統貫察訓詁

之會通云爾至於解釋不明援引鮮當大雅宏達其有以教之矣

太歲考序

太陰者太歲之別名也古人言太歲太陰者皆合爲一近時錢曉徵先生始分爲二其說謂太歲起子太陰起寅太陰在太歲前二辰遂與爾雅太歲在寅之文相戾孫淵如觀察謂太陰與太歲無異而不考太初元年歲星在丑乃誤以攝提格爲歲星在寅之號許周生兵曹爲說以正之而分太歲太陰爲二仍與錢說無異揆厥所由皆以漢志太初元年太歲在子與上文攝提格之歲建辰絕異求其說而不得則或以攝提格爲太陰或以攝提格爲歲星在寅以別於在子之太歲耳今詳考漢志文義乃知在子爲在寅之譌太初元用甲

寅其原出於殷術而隔次同次爲太歲應歲星之二法法異而名則同不揣櫟昧輒爲太歲考廿八篇而繫之以表以質於綴學之士云

經傳釋詞序

語詞之釋肇於爾雅粵于爲曰茲斯爲此每有爲雖誰昔爲昔若斯之類皆約舉一隅以待三隅之反蓋古今異語別國方言類多助語之文凡其散見於經傳者皆可比例而知觸類長之斯善式古訓者也自漢以來說經者宗尙雅訓凡實義所在卽明箸之矣而語詞之例則略而不究或卽以實義釋之遂使其文扞格而意亦不明如由用也猷道也而又爲詞之於若皆以用與道釋之則尙書之別求聞由古先哲王大誥猷爾多邦皆文義不安矣

此舉一以例其餘後皆放此

攸所也迪蹈也而又

爲詞之用若皆以所與蹈釋之則尙書之各迪有功豐水攸同毛詩之風雨攸除鳥鼠攸去皆文義不安矣不弗也否不也不大也而又爲發聲與承上之詞若皆以弗與大釋之則尙書之三危旣宅三苗不敍我生不有命在天否則侮厥父母毛詩之否難知也有周不顯帝命不時禮記之不在此位也皆文義不安矣作爲也而又爲詞之始與及若皆以爲釋之則尙書之萬邦作乂作其卽位皆文義不安矣爲作也而又爲詞之如與有與與與於若皆以作釋之則左傳之何臣之爲晉語之稱爲前世穀梁傳之近爲禰宮管子之爲臣死乎孟子之得之爲有財皆文義不安矣又如如若也而又爲詞之而與乃與當與與若如也而又爲詞之其與而與此與惟曰言也而又爲詞之吹謂言也而又爲詞之爲與與與如

與柰云言也而又爲詞之有與或與然寧安也而又爲詞之
乃能善也而又爲詞之而與乃無不有也而又爲詞之發聲
與轉語有不無也而又爲詞之爲卽就也而又爲詞之則與
若與或則法也及至也而又爲詞之若茲此也而又爲歎詞
嗟歎詞也而又爲語助彼他也而又爲詞之匪匪非也而又
爲詞之彼咫尺寸也而又爲詞之只允信也而又爲詞之用
終盡也而又爲詞之旣多衆也而又爲詞之祇適徂逝皆往
也而適又爲詞之啻徂又爲詞之及逝又爲詞之發聲思念
也居處也夷平也一數之始也而又皆爲語助曷詞之何也
而又爲何不盡何不也而又爲何於詞之于也而又爲爲爲
與爰詞之曰也而又爲與安詞之焉也而又爲乃爲則爲於
是焉詞之安也而又爲於爲是爲於是爲乃爲則惟詞之獨

也而又爲與爲及爲雖雖不定之詞也而又爲惟矧詞之況也而又爲亦亦承上之詞也而又爲語助且詞之更端也而又爲此之詞之是也而又爲於爲其爲與凡此者其爲古之語詞較然甚著揆之本文而協驗之他卷而通雖舊說所無可以心知其意者也引之自庚戌歲入都侍大人質問經義始取尙書廿八篇紬繹之而見其詞之發句助句者昔人以實義釋之往往詰籀爲病竊嘗私爲之說而未敢定也及聞大人論毛詩終風且暴禮記此若義也諸條發明意旨渙若冰釋益復得所遵循奉爲稽式乃遂引而伸之以盡其義類自九經三傳及周秦西漢之書凡助語之文徧爲搜討分字編次以爲經傳釋詞十卷凡百六十字前人所未及者補之誤解者正之其易曉者則略而不論非敢舍舊說而尙新奇

亦欲窺測古人之意以備學者之采擇云爾

經籍纂詁序

訓詁之學發端于爾雅旁通于方言六經奧義五方殊語既略備于此矣嗣則叔重說文稚讓廣雅探賾索隱厥誼可傳下及玉篇廣韻集韻亦頗蒐羅遺訓而所據之書或不可考且舊書雅記經史傳注未錄者猶多至於網羅前訓徵引羣書考之著錄家罕見有此惟舊唐志載天聖太后字海一百卷諸葛穎桂苑珠叢一百卷新唐志載顏真卿韻海鏡源三百六十卷自古字書韻書未有若此之多者意其詳載先儒訓釋是以卷帙浩繁而惜乎其書之已逸也曩者戴東原庶常朱笥河學士皆欲纂集傳注以示學者未及成編吾師雲臺先生欲與孫淵如編修朱少河孝廉共成之亦未果及先

生督學浙江乃手定體例逐韻增收總彙名流分書類輯凡歷二年之久編成一百十六卷展一韻而衆字畢備檢一字而諸訓皆存尋一訓而原書可識所謂握六藝之鈐鍵廓九流之潭奧者矣夫訓詁之旨本於聲音揆厥所由實同條貫如周南關雎篇左右芼之芼傳以爲擇猶田苗蒐狩之苗白苗聲近義同左右芼之之芼傳以爲擇猶田苗蒐狩之苗白虎通以爲擇取爾雅芼事也亦與擇取之義相近召南甘棠篇勿剪勿拜箋訓拜爲拔後人不從而不知拜與拔聲近而義同也邶風柏舟篇不可選也傳訓選爲數後人不從而不知選纂古字通朱穆絕交論作不可算也鄭注論語何足算也以算爲數正與此同義也新臺篇籩篠不鮮箋訓鮮爲善後人不從而不知爾雅鮮省二字皆訓爲善正是一聲之轉

且下云籩篠不殄殄讀曰腆其義亦爲善也小雅采綠篇六
日不詹傳訓詹爲至後人不從而不知詹之爲至載之爾雅
乃古之方言是以方言亦云楚語謂至爲詹也曲禮急繕其
怒鄭讀繕爲勁後人不從而不知繕之爲勁乃耕仙二部之
相轉猶辨秩東作通作平秩平平左右亦作便蕃左右也學
記術有序鄭注云術當爲遂聲之誤也後人不從而妄改爲
州而不知術遂古同聲故月令審端徑術注云術周禮作遂
也若乃先儒訓釋偶疏而後人不知改正者亦多有之如易
屯六二女子貞不字陸績訓字爲愛已覺未安至宋耿南仲
誤讀女子許嫁笄而字之文遂以字爲許嫁更不可通不如
虞翻訓爲妊娠之善也堯典克諧以孝烝烝乂不格姦傳訓
烝烝乂爲進進以善自治頗爲不辭不如蔡邕九疑山碑讀

以孝烝烝爲句且依廣雅烝烝孝也之訓爲善也臯陶謨萬
邦作乂禹貢萊夷作牧雲夢土作乂史記夏本紀皆以爲字
代作字文義未安不如用詩駟篇傳訓作爲始之善也禹貢
嶠夷旣略傳謂用功少曰略乃望文生義不如訓略爲治之
善也康誥遠乃猷裕乃以民甯傳讀猷字爲句而訓猷爲謀
不如斷猷裕爲句而用方言猷裕道也之訓爲善也詩鄘風
定之方中篇匪直也人檜風匪風篇匪風發兮匪車偈兮小
雅小旻篇如匪行邁謀箋並訓匪爲非不如用左傳杜注訓
匪爲彼之善也王風中谷有蕓篇暎其濕矣傳篇並解爲水
濕與暎字之義相反不如讀濕爲暎用通俗文欲燥曰暎之
善也魏風陟岵篇行役夙夜無寐傳以爲寤寐之寐不如讀
寐爲沫而用楚辭注沫已也之訓爲善也小雅南有嘉魚篇

烝然罩罩烝然汕汕傳依爾雅云罩罩篚也汕汕櫟也不如
說文訓爲魚游水貌之善也菁菁者莪篇我心則休釋文正
義並以休爲美不如用國語注休喜也之訓爲善也北山篇
我從事獨賢箋以爲賢才之賢不如毛傳訓賢爲勞之善也
菀柳篇無自暱焉傳訓暱爲近與無自療焉之文不類不如
廣雅暱病也之訓爲善也都人士篇序衣服不貳從容有常
鄭訓從容爲休燕不如緇衣正義訓爲舉動之善也大雅縣
篇曰止曰時箋訓時爲是與曰止異義不如訓時爲止之善
也卷阿篇有馮有翼傳云道可馮依以爲輔翼不如訓爲馮
馮翼翼滿盛之貌爲善也民勞篇無縱詭隨傳云詭人之善
隨人之惡以疊韻之字而上下異訓不如讀隨爲譖而訓爲
詭譖之善也雲漢篇昊天上帝則不我虞箋訓虞爲度文義

未允不如訓爲有與助之善也月令養壯校正義以佼爲形容佼好與壯異義不如訓佼爲健之善也桓十一年左傳且日虞四邑之至也昭六年傳始我有虞于子杜注並訓爲度不如訓爲望之善也宣十二年傳董澤之蒲可勝既乎杜訓既爲盡不如讀既爲塹用標有梅詩傳塹取也之訓爲善也襄二十五年傳馮陵我敝邑不可臆逞杜訓臆爲度逞爲盡不如訓爲盈滿之善也後之覽是書者去鑿空妄談之病而稽于古取古人之傳注而得其聲音之理以知其所以然而傳注之未安者又能博考前訓以正之庶可傳古聖賢著書本旨且不失吾師纂是書之意與

釋名定本序

顧明經澗蘋以吳文學志忠所校釋名見示且索數語爲之

序余曩讀畢尙書校本而善之今讀吳君校本則又有畢本所不及者如釋天齊魯謂光爲枉今本衍景字矢字釋水水經川所歸之處曰海今本脫所字曰海字釋邱北阻水以爲險也今本北誤此釋言語終充也充之於始也今本脫前四字釋綵帛亦曰繭幕今本脫亦曰字釋用器仇讎也今本衍矛字釋車輻輳也今本輻誤輻皆據本書之例更正之誠至當不易之說也其它精審者不可枚舉茲特刺其瑩瑩大者以表吳君之卓識云

蕭山王晚聞先生文集序

文章之源出於經訓故六經者文章之祖也其次則先秦諸子兩漢遺書皆無意爲文而極天下之文之盛不本乎此而欲爲文則薄而已矣俗而已矣雷同而已矣蕭山王晚聞先

生一時碩學孰讀三代兩漢之書而發而爲文故其辭質其義醇有淡雅之才無馳騁之氣昔人所謂文章爾雅訓辭深厚者先生之文其庶幾乎予旣快讀先生之文愈欲睹先生之著作他日將從敦甫尙書轉求之以廣聞見則所敬佩而服膺者非直此一編而已也

信宜四李先生制義序

四李先生者信宜李遠溪孝廉及其從子艮齋明經雙江大令鏡泉明經也先大父督學肇高遠溪先生首與拔萃之選艮齋雙江兩先生亦以童年補弟子員其後撫粵招艮齋雙江肄業於書院親爲講授及官禮部尙書雙江先生又偕其弟鏡泉先生受業於門時先大父以理學爲儒生倡講明濂雒關閩之指四先生尊聞行知實優柔而饜飫之先大父以

爲嶺門道脈萃於一門則其學可知矣四先生或以孝謹聞於鄉或以惠愛浹於民修己治人皆上不愧於古人下可風於來許揆厥生平固不徒以文藝見稱於世而迄今讀其制義理則縝密以栗色則溫潤而澤聲則清越以長仍各如其品與學之粹美而積中發外焉非有本者而能如是乎余再三展讀並讀先大父論文之語如見當年一堂授受之勤且殷然動述祖之思而自愧有志之未逮也李廣文世芳鏡泉先生子也寄書於余屬綴一言於簡末用敢志其涯略如此

李復園文序

儒生操不律發抒胸中蘊蓄凡紀事狀物據時以立論者皆文也迨言孔孟言則非三代以上語不道可謂有志於古矣而世乃謂之時文或以爲字句華樸結構疎整必隨風氣爲

轉移因而厭故喜新閱者作者歸於一致時好存焉故謂之時文然自其字句結構言之屢變者也自其理法言之不變者也理精法密至於作小題文則斂才就範雖百變而不離其宗證諸名家所存殆若重規疊矩吾鄉李復園先生碩學清才蚤馳佳譽於此道稱文雄余年近弱冠時吳興屠平圃先生主講於珠湖書院其時先生與邑中文士類皆北面余亦以時藝就正於平圃先生因得並聞先生緒論輒心折焉忽忽數十年來先生以不遇終非余當時意計所及也今年先生令子菰圃寄示先生小題文刊本及附刊之試藝共若干篇爲吾鄉賈午亭廣文所選訂者而屬余爲之序先生著作無慮萬紙此殆十之一大約理精法密中辭妍筆妙宜古宜今足以津逮後學匪直華樣新鮮揣合時好而已午亭於

先生交最深論文亦契合無間所選蓋尤正焉菰圃篤行好學繼先生稱作手及門從湖之盛亦如先生設帳時頃因刊先生遺文便以所作附刊卷末其文華瞻深穩能於理法中神明規矩者此才定不以明經老耳菰圃爲余舅氏女夫余誼附葭莩爰不辭而爲之序

補刊顧澗蘋校淮南子序

歲在庚辰元鰥顧澗蘋文學寓書於顧南雅學士索家大人讀書雜志乃先詒以淮南雜志一種而求其詳識宋本與道藏本不同之字及平日校訂是書之譌爲家刻所無者補刻以遺後學數月書來果錄宋本佳處以示又示以所訂諸條其心之細識之精實爲近今所罕有非熟於古書之體列而能以類推者不能平允如是家大人既以數年之力校成淮

南雜志而又得文學所校以補而綴之蓋至是搜剔靡遺矣
今年將補刻所校爰揚摧之以爲讀書者法

貴州鄉試錄序

皇上御極之六年恭逢辛酉科鄉試禮臣以貴州試官請

皇上命編修臣王引之爲正考官編修臣吳雲副之伏念臣

世受國恩毫無知識由己未科一甲三名進士授職編修今

科辛酉甫經散館旋奉 恩綸俾司文柄聞 命震驚悚惶

莫措自維謏陋恐負 聖天子樂育之本懷爰與臣雲卽日

星馳就道於八月初一日行抵貴陽屆期進使院時監臨則

人提調則人監試則人內簾監試則人內收掌則人肅勤匪

懈將事綦嚴爰進學政臣周鏐所取士三千餘人扃闈而三

試之率同考官人得士如額乃擇其言尤雅者十四篇恭呈

御覽而序之曰臣聞文者載道之器而言者心之聲也制舉之文尤顯白易見士子學古入官籍賢書爲登進之階而用心不底于至純則不足以代古聖賢立言而措正施行必不能推之曲得其次序貴州爲古黔中地牂牁夜郎之域漢世始通中國近者距京師數千里遠者殆將萬里士之彳亍而來者莫不鼓舞奮興卓然有所表見良由國家久道化成聖天子文教覃敷凡士之諷咏詩書涵濡膏澤者甚深且遠故文風之蒸然日上不以遐陬僻壤而間也方今版圖式廓宜禾奇台之地皆得置守令立學官每三年大比轂擊車馳以自適于賓興之路況貴州爲九服所統域中之近乎特臣以章句小儒詞垣後進謬膺衡鑒之任得簪筆以操進退人才之柄而相與以有成也茲榮也乃其所以爲愧也歟

時官斯土者人例得備書

浙江鄉試錄前序

皇上御極之二十三年 仁治道豐慶流祥衍明年爲六

旬萬壽 文思光被 錫福作人先期 詔開鄉會試 恩

科以廣闢門籲俊之路典至鉅也歲六月 部以浙江考官

請得 旨命 引之偕 李裕堂往典厥事伏思 江淮下

士 國恩自嘉慶四年以一甲進士除授編修並

簡擢洊陟亞卿其間奉 命兩校鄉闈再膺學政并 畀以

讞獄之任受 恩綦重未効涓埃茲復仰承 諭旨浙水持

衡感激之餘悚惶彌切越日 召見蒙 諭以浙江大省當

詳慎甄錄爲國家簡拔人才跪聆 訓言敬佩無斃謹偕

裕堂束裝首途如期抵浙時監臨則人綜理庶務內外肅清

外提調則公外監視則公內提調則公內監試則公內簾監
試則公職思其居罔不敬慎乃進浙江學政臣李宗昉所錄

局闡三試之臣引之與副考官臣裕堂

等竭三十餘晝夜之力悉心校閱得士如

雅者十四篇恭呈御覽臣謹拜手稽首颺言簡端曰臣聞

言者心聲也有經明行修之士則有理明詞達之文故周禮

賓興藝不先德孔門設教文歸於行蓋和順積中而英華發

外未有無所本而能炳然衆著者也皇上緝熙典學聖

德日新固已觀乎人文化成天下矣復荷睿諭疊頒申明

庠序之教崇實行而黜浮華化異端而歸正軌士之仰承

教澤循誦簡編者日講明於入孝出悌之經尊君親上

之義誠所謂經明行修而不汲汲於詞華者也由於

心者應於手行有恒者言有物亦必有銘經□□抒夙昔之
所知所能而斐然成章者焉矧兩浙爲人文淵藪鴻才碩學
代不乏人乎_臣知識樛昧體要莫窺謹遵 聖主詳慎甄錄
之訓嚴加遴選首以體醇氣清參以書腴傳味而於經義之
湛深策對之詳治者亦並採錄惟期多士於彪炳辭義中靜
探立言之本深思樹立之原他日洊陟清華躬膺 任使有
守有爲不慚夙夜庶幾仰副 聖天子仁壽樂育之聖典也
夫周禮曰使民興賢出使長之使民興能入使治之_臣叨司
文柄有厚幸焉維時官斯土者則有公例得備書

道光元年辛巳 恩科浙江鄉試錄前序

皇上御極之元年開物成務綱舉目張 實心施於實政治
法行以治人思任官之惟賢由於取士之必得 詔開鄉會

試 恩科以廣闢門籲俊之路典至巨也歲六月禮_臣以浙

江考官請得 旨以_臣引之偕工部郎中_臣吳孝銘往典試

事伏思_臣江淮下士世受 國恩由一甲進士供職編修洊

升卿貳二十年來督學者再典鄉試者三典會試者一而浙

江則_臣自戊寅校錄甫閱三年乃復恭膺 簡命忝預持衡

誠逾格之 洪慈儒_臣之榮幸也聞 命後具摺陳謝仰蒙

聖諭諄諄以浙江試卷汝曾經校閱此番宜更熟諳惟事

繁掄才必當倍加詳慎_臣謹識於心不敢忘卽日與_臣孝銘

星馳就道抵境入闈監臨則浙江巡撫_臣帥承瀛整綱飭紀

內外嚴肅提調則浙江布政使司布政使_臣嵩孚護理分巡

杭嘉湖道事杭州府知府_臣吳廷琛監試則浙江按察使司

按察使_臣葉汝芝分巡寧紹台道_臣史譜內簾監試則浙江

紹興府知府

臣

馮清聘職思其居罔不敬謹乃進浙江學政

臣

戴聯奎所錄士九千餘人局闈三試之

臣

引之

臣

孝銘率

同考官臨安縣知縣

臣

郜文英新城縣知縣

臣

武新安桐鄉

縣知縣

臣

王鼎銘長興縣知縣

臣

馬伯樂武康縣知縣

臣

慶

□安吉縣知縣

臣

王頤奉化縣知縣

臣

楊國翰上虞縣知縣

臣

李宗傳嵊縣知縣

臣

葉桐封義烏縣知縣

臣

程璋湯溪縣

知縣

臣

蕭馥馨龍游縣知縣

臣

楊鴻常山縣知縣

臣

□升棧

青田縣知縣

臣

董承熹龍泉縣知縣

臣

黃錫祚候補知縣

饒芝等齋心甄錄得士一百四十四人擇其文之尤雅者十

四篇進呈

御覽

臣

謹拜手稽首颺言簡端曰竊聞虞書有

之曰敷奏以言制義詩策者言也而品之醇疵才之邪正往

往流露於楮墨之間持衡者卽其言以測其人而棄取定焉

所謂不知言無以知人也我朝觀文成化累治重熙皇
上敬典求賢簡擢不次涖政之始卽以廣教化厲人才爲
先務萬方士子斐然嚮風罔不爭自濯磨思登進乎皇路
以黼黻大猷矧浙江爲人文薈萃之區江海之鍾英湖山之
毓秀其磅礴鬱積之氣賦於人而燦於文者美不勝收矣然
言必期於適用學必求其有本若徒剽竊糟粕矜誇雕繪或
繁其文而簡其質或略於理而詳於詞所謂無本之言心無
所得本之不固而暢茂條達者未之有也又安望其坐而言
者起而行哉古者司成四術教以詩書禮樂司徒三物歸於
德行道藝所以興賢興能出長入治者胥由此作蓋聖賢經
世之方莫備於經士子邃於經術積中發外則言之必有物
出之必有章其理正故能正天下之理其氣平故能平天下

之氣言之有倫有要人之有爲有守有相因而無相背也臣

謹持此以衡多士凡言之貫徹古訓有得於聖賢修己治人之道者則亟錄之至空疎而貌爲簡古餽飭而矜其博瞻以及曼衍之說詭異之製則姑置之苟其文之歸於正則以下其人之底於純飽臣在陟清華仰膺任使或以文章報國或以政事書勛使人知盛世明揚無非有體有用之士是

則臣區區之心所深幸者也惟時官是土者兼署閩浙總督

福建巡撫

臣

顏檢杭州將軍

臣

薩秉阿浙江巡撫兼鹽政

臣

帥承瀛浙江學政

臣

戴聯奎杭州副都統

臣

松齡乍浦副都

統

臣

墨爾根納杭州織造

臣

福德提督浙江水陸總兵官

臣

王得祿護定海鎮總兵事鎮海營參將

臣

常遇泰黃巖鎮總

兵官

臣

羅光炤衢州鎮總兵官

臣

慶熙溫州鎮總兵官

臣

沈

添華署處州鎮總兵事嚴州協副將臣戴文星浙江布政使

臣嵩孚浙江按察使臣葉汝芝浙江鹽運使臣方應綸浙江

糧儲道臣蘇明阿護杭嘉湖道事杭州府知府臣吳廷琛寧

紹台道臣史譜護金衢嚴道事金華府知府臣景昌溫處道

臣和鈞署杭州府事嚴州府知府臣張青選例得備書

中州試牘序

制義者經說之支流也經之有說觸類旁通不通全書不能
說一句不通諸經亦不能說一經制義之爲道亦如是矣不
精熟於六經之文儒先之說而貿然爲之則陋而已矣俗而
已矣如牆然吾未見狹其基而能高其墉者也余自去年視
學中州以經術諷勸諸生俾知根柢購十三經註疏存於學
宮書院以廣誦習考試之時擇典雅者錄之以勸綴學之士

先之以經解以觀其素所蘊蓄不欲使空疎者得以倖獲也
至於試帖比偶之體詮題之法略同制義非浸淫書卷者不
能作亦不能工爰取典雅者與制義經解並箸於篇使覽者
知取精用物一本於經而汲汲討論於文之所自出則庶幾
根茂而實遂也夫

王南陔中丞困學說文圖跋

南陔語引之曰小學之要在訓詁訓詁之要在聲音知字而
不知聲訓詁或幾乎隱矣此無他聲之中有意也善學說文
者觀字之醵聲而得其意引之曰謹受教矣又曰欲求古音
舍說文之醵聲讀若奚以哉其古音同部相醵而同讀者音
之正也古音異部相醵而同讀者音之轉也善學說文者觀
其醵聲讀若而古音之同類與其不同類而類相近者皆可

以得之引之曰謹受教矣又曰許氏曰字者孳也言孳乳而浸多也倉頡以來書契之用廣矣形聲相益豈有定數哉說文之爲書非以盡天下之字而爲不可增減之書乃舉其大凡以爲例使雖有古字不在此者皆可以類求之故善學說文者心通其意而不泥于其跡也引之曰謹受教矣退而取五百四十部之文讀之脗乎其若有合也旣而歎曰由南陔之言以治說文則聲音文字訓詁一以貫之不由乎南陔之言則齟齬聲讀若與訓之生於聲者舉不可見矣雖有字吾得而識諸南陔方爲困學說文圖以自勵乃爲述其意如此

翁覃溪閣學手札跋

昔余隨侍 家大人於京邸下帷之餘謹錄所說尙書詁訓諸條求教於蘇齋先生先生覽而善之及余受知於文遠泉

夫子夫子先生之門人也循例往謁先生則相見甚歡時同謁者甚夥先生獨與余論學亶亶不倦後余視學山左而還以所刻經義述聞就正先生覽至周易噫亦要存亡吉凶一條以讀噫爲抑爲不易之論又告以說經當舉其大者今讀鄧菽原太守所得先生手書遺跡一帙書中尙不以余爲不才而稱道時及之且欲採鄙著數條入先生附記中自顧管蠡之見殊不足存而先生不棄葑菲若是其可不研綜遺文勤求古義以副先生當日之期望乎竊用是自愧且自勉也

卷三